

মন্ত্রিপরিষদ বিভাগের জানুয়ারি ২০১৯ মাসের কার্যাবলি সম্পর্কিত প্রতিবেদন

মন্ত্রণালয়/বিভাগের নাম: মন্ত্রিপরিষদ বিভাগ

প্রতিবেদনাধীন মাসের নাম: জানুয়ারি ২০২০

প্রতিবেদন প্রস্তুতের তারিখ: ১৮ ফেব্রুয়ারি ২০২০

(১) প্রশাসনিক:

ক. ১ কর্মকর্তা/কর্মচারীদের সংখ্যা (রাজস্ব বাজেটে)

| সংস্থার স্তর | অনুমোদিত পদ | পূরণকৃত পদ | শূন্যপদ |
|--|-------------|------------|---------|
| মন্ত্রণালয়/বিভাগ: মন্ত্রিপরিষদ বিভাগ | ৩৮৫ | ২৭৩ | ১১২ |
| অধিদপ্তর/সংস্থা/সংযুক্ত অফিস: দুর্নীতি দমন কমিশন | ২,০৯৮ | ৮৭৫ | ১,২২৩ |
| মোট | ২,৪৮৩ | ১,১৪৮ | ১,৩৩৫ |

ক. ২ শূন্যপদের বিন্যাস

| মন্ত্রণালয়/বিভাগ/সংস্থা | অতিরিক্ত সচিব/তদুর্ধ্ব পদ | জেলা কর্মকর্তার পদ (যেমন ডিসি, এসপি) | অন্যান্য ১ম শ্রেণির পদ | ২য় শ্রেণির পদ | ৩য় শ্রেণির পদ | ৪র্থ শ্রেণির পদ | মোট |
|--------------------------|---------------------------|--------------------------------------|------------------------|----------------|----------------|-----------------|--------|
| মন্ত্রিপরিষদ বিভাগ | - | - | ২৬ | ২৯ | ৩১ | ২৬ | ১১২ |
| দুর্নীতি দমন কমিশন | - | - | ৩৭৬ | ৩২৯ | ৩১৭ | ২০১ | ১,২২৩* |
| মোট | - | - | ৪০২ | ৩৫৮ | ৩৪৮ | ২২৭ | ১,৩৩৫ |

* সুপারনিউমারারি পদ ব্যতীত।

ক. ৩ অতীব গুরুত্বপূর্ণ (strategic) পদ শূন্য থাকলে তার তালিকা: প্রযোজ্য নয়।

ক. ৪ নিয়োগ/পদোন্নতি প্রদান

| মন্ত্রণালয়/বিভাগ/সংস্থা | প্রতিবেদনাধীন মাসে পদোন্নতি | | | নতুন নিয়োগ প্রদান | | | মন্তব্য |
|--------------------------|-----------------------------|----------|-----|--------------------|----------|-----|---------|
| | কর্মকর্তা | কর্মচারী | মোট | কর্মকর্তা | কর্মচারী | মোট | |
| মন্ত্রিপরিষদ বিভাগ | - | - | - | - | - | - | |
| দুর্নীতি দমন কমিশন | - | - | - | - | ৩২ | ৩২ | |

ক.৫ শূন্যপদ পূরণে বড় রকমের কোন সমস্যা থাকলে তার বর্ণনা: নেই।

খ. ১ ভ্রমণ/পরিদর্শন (দেশে-বিদেশে)

| | মন্ত্রী | | প্রতিমন্ত্রী/উপমন্ত্রী | | মন্ত্রিপরিষদ সচিব | | মন্তব্য |
|---------------------------------|---------|--------|------------------------|--------|-------------------|--------|---|
| | দেশে | বিদেশে | দেশে | বিদেশে | দেশে | বিদেশে | |
| ভ্রমণ/পরিদর্শন (দিন) | - | - | - | - | ৩ | - | ১। ০৪ জানুয়ারি ২০২০ তারিখ নরসিংদী জেলা সফর করেন। |
| উন্নয়ন প্রকল্প পরিদর্শন (দিন) | - | - | - | - | - | - | ২। ১৩-১৪ জানুয়ারি ২০২০ মেয়াদে টাঙ্গাইল জেলা সফর করেন। |
| পার্বত্য চট্টগ্রামে ভ্রমণ (দিন) | - | - | - | - | - | - | |

| | মন্ত্রী | | প্রতিমন্ত্রী/উপমন্ত্রী | | দুদক সচিব | | মন্তব্য |
|---------------------------------|---------|--------|------------------------|--------|-----------|--------|---------|
| | দেশে | বিদেশে | দেশে | বিদেশে | দেশে | বিদেশে | |
| ভ্রমণ/পরিদর্শন (দিন) | - | - | - | - | ২ | - | - |
| উন্নয়ন প্রকল্প পরিদর্শন (দিন) | - | - | - | - | - | - | |
| পার্বত্য চট্টগ্রামে ভ্রমণ (দিন) | - | - | - | - | - | - | |

খ.২ উপরোক্ত ভ্রমণের পর ভ্রমণ বৃত্তান্ত/পরিদর্শন প্রতিবেদন দাখিলের সংখ্যা: নাই।

(২) আইনশৃঙ্খলা বিষয়ক : প্রযোজ্য নয়।

(৩) অর্থনৈতিক : প্রযোজ্য নয়।

(৪) উন্নয়ন প্রকল্প সংক্রান্ত:

ক. উন্নয়ন প্রকল্পের অর্থ বরাদ্দ ও ব্যয় সংক্রান্ত প্রকল্পের নাম:

| প্রকল্পের নাম | বর্তমান অর্থবছরে এডিপিতে বরাদ্দ (কোটি টাকায়) | প্রতিবেদনাধীন মাস পর্যন্ত ব্যয়ের পরিমাণ (কোটি টাকায়) ও বরাদ্দের বিপরীতে ব্যয়ের শতকরা হার | প্রতিবেদনাধীন মাসে নতুন প্রকল্প অনুমোদিত হয়ে থাকলে তার তালিকা | প্রতিবেদনাধীন মাসে মন্ত্রণালয়ে এডিপি রিভিউ সভার তারিখ | মন্তব্য |
|--|--|--|--|--|---------|
| ১ | ২ | ৩ | ৪ | ৫ | ৬ |
| Social Security Policy Support (SSPS) Programme | ডিপিএ: ৩৩৩.০০ জিওবি: ২.০০ মোট: ৩৩৫.০০ | ২৪০.৬৪ (৭১.৮৩ শতাংশ) | - | - | - |
| Support to the Central Management Committee's (CMC) Policy Guidance on Child Component of the NSSS | ডিপিএ: ২২০.০০ জিওবি: ৬৩.০০ মোট: ২৮৩.০০ | ৯৬.২৪ (৩৪.০০ শতাংশ) | - | - | - |
| Promoting Nutrition Sensitive Social Security | ডিপিএ: ২৮৯.০০ জিওবি: ৮.০০ মোট: ২৯৭.০০ | ১২০.২১ (৪১.৫৯ শতাংশ) | - | - | - |

খ. প্রকল্পের অবস্থা সংক্রান্ত :

| প্রতিবেদনাধীন মাসে সমাপ্ত প্রকল্পের তালিকা | প্রতিবেদনাধীন মাসে উদ্বোধনকৃত সমাপ্ত প্রকল্পের তালিকা | প্রতিবেদনাধীন মাসে চলমান প্রকল্পের কম্পোনেন্ট হিসাবে সমাপ্ত গুরুত্বপূর্ণ অবকাঠামো | দু'মাসের মধ্যে উদ্বোধন করা হবে এমন সমাপ্ত প্রকল্পের তালিকা |
|---|--|---|--|
| - | - | - | - |

(৫) উৎপাদন বিষয়ক : প্রযোজ্য নয়।

(৬) প্রধান প্রধান সেক্টর কর্পোরেশনসমূহের লাভ/লোকসান: প্রযোজ্য নয়।

(৭) অডিট আপত্তি

ক. অডিট আপত্তি সংক্রান্ত তথ্য

| মন্ত্রণালয়/সংস্থার নাম | অডিট আপত্তির সংখ্যা | টাকার পরিমাণ (লক্ষ টাকায়) | ব্রডশিটে জবাবের সংখ্যা | নিষ্পত্তির সংখ্যা | জের | মন্তব্য |
|--|---------------------------|----------------------------------|------------------------------|----------------------|------|---|
| মন্ত্রিপরিষদ বিভাগ | ১৪টি | ০.৩৯৫ | - | - | ৭টি | মন্ত্রিপরিষদ বিভাগের নিরীক্ষাকার্য ৩০ জুন ২০১৮ পর্যন্ত সম্পন্ন হয়েছে। উক্ত নিরীক্ষায় ০৭টি অডিট আপত্তি দেওয়া হয়েছে। আপত্তিগুলির মধ্যে ০১টি আপত্তিতে ১৬,৫৬১ টাকা ভ্যাট ও আয়কর কম কর্তন করা হয়েছে মর্মে উল্লেখ করা হয়েছে। অবশিষ্ট ০৬টি আপত্তি পর্যবেক্ষণ সংশ্লিষ্ট। উক্ত অডিট আপত্তিসমূহ নিষ্পত্তির লক্ষ্যে এ বিভাগের ২৬ সেপ্টেম্বর ২০১৯ তারিখের ১০৬ সংখ্যক স্মারকের মাধ্যমে ব্রডশিট জবাব প্রদান করা হয়েছে। এছাড়া ০৭টি অডিট আপত্তি সংক্রান্ত একটি মামলা রয়েছে (মামলা নম্বর |
| বিলুপ্ত বিভাগীয় উন্নয়ন বোর্ড ও বিলুপ্ত উপকূলীয় দ্বীপাঞ্চল উন্নয়ন বোর্ড | ১০টি | ২২৮.৩৭ | - | - | ১০টি | অর্থ বিভাগ কর্তৃক জারিকৃত আর্থিক ক্ষমতা অর্পণ, ২০১৫ অনুযায়ী আপত্তিসমূহ নিষ্পত্তির জন্য সংশ্লিষ্ট বিভাগীয় কমিশনারের কার্যালয়ে প্রেরণ করা হয়। |
| দুর্নীতি দমন কমিশন | ০৪টি | ৬৮৬.৭৭ | ০৪ | - | ০৪টি | - |
| মোট | ২৮টি | ৯১৫.৫৩৫ | ০৪ | - | ২১টি | - |

খ. অডিট রিপোর্টে গুরুতর/বড় রকমের কোন জালিয়াতি/অর্থ আত্মসাৎ, অনিয়ম ধরা পড়ে থাকলে সে-সব কেইসের তালিকা: নেই।

(৮) শৃঙ্খলা/বিভাগীয় মামলা (মন্ত্রণালয়/বিভাগ ও অধিদপ্তর/সংস্থার সম্মিলিত সংখ্যা)

| মন্ত্রণালয়/অধিদপ্তর/ সংস্থাসমূহে পুঞ্জীভূত মোট বিভাগীয় মামলা (প্রতিবেদনাধীন মাসের ১ তারিখে) | প্রতিবেদনাধীন মাসে শুরু হওয়া মামলার সংখ্যা | প্রতিবেদনাধীন মাসে মামলা নিষ্পত্তির সংখ্যা | | | অনিষ্পন্ন বিভাগীয় মামলার সংখ্যা | বর্তমান অর্থবছরে মোট নিষ্পত্তিকৃত মামলার সংখ্যা |
|---|--|---|------------------|----------|---|--|
| | | চাকরিচ্যুতি /বরখাস্ত | অন্যান্য দণ্ড | অব্যাহতি | | |
| ১ | ২ | ৩ | ৪ | ৫ | ৬ | ৭ |
| *মন্ত্রিপরিষদ বিভাগ-২ | - | - | - | - | ২ | - |
| দুর্নীতি দমন কমিশন-২৮ | - | - | - | - | ২৮ | ৭ |
| মোট= ৩০ | - | - | - | - | ৩০ | ৭ |

* প্রশাসনিক ট্রাইব্যুনাল/প্রশাসনিক আপিলেট ট্রাইব্যুনালে চলমান মামলার সকল নথি আইন-১ শাখায় স্থানান্তর করা হয়েছে।

(৯) মানবসম্পদ উন্নয়ন

ক. প্রতিবেদনাধীন মাসে সমাপ্ত প্রশিক্ষণ কর্মসূচি:

| মন্ত্রণালয়/ সংস্থা | ক্রম | প্রশিক্ষণ কর্মসূচির নাম | প্রশিক্ষণের মেয়াদ | উদ্যোগী সংস্থা/ এজেন্সির নাম | অংশগ্রহণকারীর সংখ্যা |
|------------------------|------|--|--|---|--|
| ১ | ২ | ৩ | ৪ | ৫ | ৬ |
| মন্ত্রিপরিষদ বিভাগ | ১। | ‘Project Management’ শীর্ষক শর্ট কোর্স প্রোগ্রামে অংশগ্রহণ স্থান: অস্ট্রেলিয়া | ১৩ জানুয়ারি ২০২০ হতে ২৬ জানুয়ারি ২০২০ | ক্যাপাসিটি ডেভেলপমেন্ট অফ দি কেবিনেট ডিভিশন এন্ড ফিল্ড এডমিনিস্ট্রেশন প্রকল্প, মন্ত্রিপরিষদ বিভাগ | ছয়জন একজন অতিরিক্ত সচিব একজন যুগ্মসচিব দুইজন উপসচিব একজন সিনিয়র সহকারী সচিব একজন সিনিয়র মেইন্টেন্যান্স ইঞ্জিনিয়ার |
| | ২। | ‘Policy Formulation: E-Governance & ICT Course’ শীর্ষক প্রশিক্ষণ কোর্সে অংশগ্রহণ, স্থান: ঢাকা | ১২ জানুয়ারি ২০২০ হতে ২৬ জানুয়ারি ২০২০ | জনপ্রশাসন মন্ত্রণালয় | দুইজন উপসচিব |
| | ৩। | ‘PEM Issues & Experiences’ শীর্ষক প্রশিক্ষণ কোর্সে অংশগ্রহণ স্থান: ভারত | ১৩ জানুয়ারি ২০২০ হতে ১৭ জানুয়ারি ২০২০ | অর্থ বিভাগ | দুইজন একজন উপসচিব একজন সিনিয়র সহকারী সচিব |

| | | | | | |
|--------------------|----|--|---|------------------------------|--|
| | ৪। | ‘Development Planning and Project Management (53th Batch)’ শীর্ষক প্রশিক্ষণ কোর্সে অংশগ্রহণ, স্থান: ঢাকা | ১২ জানুয়ারি ২০২০ হতে ৩০ জানুয়ারি ২০২০ | পরিকল্পনা মন্ত্রণালয় | একজন সিনিয়র সহকারী সচিব |
| দুর্নীতি দমন কমিশন | ১। | Central Bureau of Investigation (CBI)-এ ‘Investigation of Anti-Corruption Cases Including Procurement and Contract Frauds’ শীর্ষক প্রশিক্ষণে অংশগ্রহণ। স্থান: ভারত | ১৩-২৪ জানুয়ারি ২০২০ | দুর্নীতি দমন কমিশন | দশ জন এক জন মহাপরিচালক এক জন পরিচালক ছয় জন উপপরিচালক একজন সহকারী পরিচালক একজন উপসহকারী পরিচালক |
| | ২। | iBAS++ এর বাজেট প্রণয়ন মডিউলে ডাটা এন্ট্রি বিষয়ে প্রশিক্ষণ। | ৭ জানুয়ারি ২০২০ | অর্থ বিভাগ, অর্থ মন্ত্রণালয় | পাঁচ জন |
| | ৩। | কাউন্টার টেরোরিজম এন্ড ট্রান্সন্যাশনাল ক্রাইম (সিটিটিসি)-তে ‘সায়িন্টিফিক ইনভেস্টিগেশন’ শীর্ষক প্রশিক্ষণ | ১১-১৬ জানুয়ারি ২০২০ | ঢাকা মেট্রোপলিটন পুলিশ | পঁচিশ জন |
| | ৪। | দুর্নীতি দমন কমিশনে নব যোগদানকৃত কর্মচারীদের জন্য ওরিয়েন্টেশন কোর্স | ২ ও ৫-৮ জানুয়ারি ২০২০ | দুর্নীতি দমন কমিশন | বত্রিশ জন |

খ. মন্ত্রণালয়/অধিদপ্তরে কোন ইন্-হাউস প্রশিক্ষণের আয়োজন করা হয়ে থাকলে তার বর্ণনা: মন্ত্রিপরিষদ বিভাগের সকল কর্মকর্তা-কর্মচারীর জন্য ২০১৯-২০ অর্থবছরের অভ্যন্তরীণ প্রশিক্ষণ (বাৎসরিক ৬০ ঘণ্টা) চলমান।

গ. প্রশিক্ষণ কর্মসূচিতে কর্মকর্তা/কর্মচারীদের অংশগ্রহণ বা মনোনয়নের ক্ষেত্রে বড় রকমের কোন সমস্যা থাকলে তার বর্ণনা: নেই।

ঘ. মন্ত্রণালয়ে অন্-দ্য-জব ট্রেনিং (OJT)-এর ব্যবস্থা আছে কি না; না থাকলে অন্-দ্য-জব ট্রেনিং আয়োজন করতে বড় রকমের কোন অসুবিধা আছে কি না: প্রযোজ্য নয়।

ঙ. প্রতিবেদনাধীন মাসে প্রশিক্ষণের জন্য বিদেশ গমনকারী কর্মকর্তার সংখ্যা: ১৮ জন।

(১০) উল্লেখযোগ্য কার্যাবলি/সমস্যা-সংকট:

ক. প্রতিবেদনাধীন মাসে নতুন আইন, বিধি ও নীতি প্রণীত হয়ে থাকলে তার তালিকা:

খ. প্রতিবেদনাধীন মাসে অতীব গুরুত্বপূর্ণ/উল্লেখযোগ্য কার্যাবলি:

(১) মন্ত্রিসভা-বৈঠক একটি, সরকারি ক্রয় সংক্রান্ত মন্ত্রিসভা কমিটির সভা চারটি, অর্থনৈতিক বিষয় সংক্রান্ত মন্ত্রিসভা কমিটির সভা তিনটি, প্রশাসনিক উন্নয়ন সংক্রান্ত সচিব কমিটির সভা তিনটি, মন্ত্রণালয়/বিভাগ/অধিদপ্তর/দপ্তর/সংস্থার পদ সৃষ্টি, বিলুপ্তি ইত্যাদি বিষয় সম্পর্কিত নীতি ও পদ্ধতি সংক্রান্ত পরিবীক্ষণ কমিটির সভা একটি, আন্তর্জাতিক ও আঞ্চলিক সংস্থায় বাংলাদেশ কর্তৃক চাঁদা প্রদান সংক্রান্ত সচিব কমিটি’র সভা একটি, জাতীয় পুরস্কার সংক্রান্ত মন্ত্রিসভা কমিটির সভা একটি এবং মন্ত্রিসভা-বৈঠকে গৃহীত সিদ্ধান্তসমূহের বাস্তবায়ন অগ্রগতি পর্যালোচনা সম্পর্কিত ছয়টি আন্তঃমন্ত্রণালয় সভা অনুষ্ঠিত হয়।

- (২) মন্ত্রিসভা-বৈঠকে ১৫টি সিদ্ধান্ত গৃহীত হয়। ১১টি সিদ্ধান্ত বাস্তবায়িত হয়। ৪টি সিদ্ধান্ত বিভিন্ন মন্ত্রণালয়/বিভাগে বাস্তবায়নাধীন রয়েছে।
- (৩) মন্ত্রণালয় ও বিভাগসমূহের ২০১৮-১৯ অর্থবছরের কার্যাবলি সংক্রান্ত বার্ষিক প্রতিবেদন চূড়ান্ত করে মুদ্রণের জন্য বিজি প্রেসে প্রেরণ করা হয়।
- (৪) একাদশ জাতীয় সংসদের ২০২০ সালের প্রথম অধিবেশনের সূচনায় মহামান্য রাষ্ট্রপতি কর্তৃক প্রদেয় ভাষণ-এর বই মুদ্রণ করে জাতীয় সংসদে প্রেরণ করা হয়।
- (৫) নাটোরস্থ উত্তরা গণভবনের মেরামত ও সংরক্ষণ ব্যয় নির্বাহের জন্য চলতি ২০১৯-২০ অর্থবছরের জন্য ৪২,৭৪,৮৫৪ টাকা এবং প্রতি অর্থবছরে উত্তরা গণভবন মেরামতের জন্য সংশ্লিষ্ট খাতে প্রয়োজনীয় অর্থ বরাদ্দের প্রয়োজনীয় ব্যবস্থা গ্রহণের জন্য ০১ জানুয়ারি ২০২০ তারিখে সচিব, গৃহায়ন ও গণপূর্ত মন্ত্রণালয় বরাবর পত্র প্রেরণ করা হয়।
- (৬) মন্ত্রিপরিষদ বিভাগের চলতি ২০১৯-২০ অর্থবছরের বাজেটে উত্তরা গণভবন খাতে বরাদ্দকৃত অর্থ থেকে নাটোরস্থ উত্তরা গণভবন সংক্রান্ত ব্যয় নির্বাহের জন্য ১৫ জানুয়ারি ২০২০ তারিখে তৃতীয় কোয়ার্টারের (জানুয়ারি-মার্চ ২০২০) ব্যয় বাবদ মোট ১৯,২৫,০০০ টাকার সরকারি মঞ্জুরি জ্ঞাপন করা হয়।
- (৭) ১৯ জানুয়ারি ২০২০ তারিখে মন্ত্রিপরিষদ সচিব মহোদয়ের সভাপতিত্বে অনুষ্ঠিত এ বিভাগের বাজেট ব্যবস্থাপনা কমিটির সভায় চলতি ২০১৯-২০ অর্থবছরের সংশোধিত বাজেট প্রাক্কলন; মন্ত্রিপরিষদ বিভাগের মধ্যমেয়াদি বাজেট কাঠামো সংশোধন ও হালনাগাদকরণ এবং আগামী ২০২০-২১ অর্থবছরের বাজেট প্রাক্কলন ও পরবর্তী ০২ অর্থবছরের প্রক্ষেপণ অনুমোদনপূর্বক ২০ জানুয়ারি ২০২০ তারিখে অর্থ বিভাগ ও পরিকল্পনা কমিশনে প্রেরণ করা হয়।
- (৮) দেশের সকল শিক্ষা প্রতিষ্ঠানে শিক্ষার্থীদের অংশগ্রহণে শুদ্ধসুরে জাতীয় সংগীত পরিবেশন প্রতিযোগিতা ২০২০ ও ২৬ মার্চ তারিখে জাতীয় সংগীত পরিবেশন কর্মসূচি আয়োজনের লক্ষ্যে সংস্কৃতি বিষয়ক মন্ত্রণালয়, ০৮টি বিভাগ, ১০টি সিটি কর্পোরেশন, ৬৪টি জেলা, ৪৯২টি উপজেলা, ১৬টি মাধ্যমিক ও প্রাথমিক শিক্ষা থানা, ৪,৫৭৩টি ইউনিয়ন এবং ৩২৮টি পৌরসভার জন্য সংশ্লিষ্ট মন্ত্রণালয়/বিভাগ/জেলা/উপজেলায় মোট ৫,৪২,৬৫,০০০ টাকার DDO Authorization প্রদান করা হয়।
- (৯) জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী যথাযথ মর্যাদায় উদ্‌যাপনের জন্য চলতি ২০১৯-২০ অর্থবছরে পররাষ্ট্র মন্ত্রণালয়ের বিদেশস্থ ৭৭টি বাংলাদেশ মিশনে মোট ১০,০০,০০,০০০ টাকার DDO Authorization প্রদান করা হয়।
- (১০) শুদ্ধসুরে জাতীয় সংগীত পরিবেশন প্রতিযোগিতা ২০২০ ও ২৬ মার্চ ২০২০ তারিখে জাতীয় সংগীত পরিবেশন কর্মসূচি পালন উপলক্ষ্যে মোট ৫,৪২,৬৫,০০০ টাকা ব্যয় ও অগ্রিম উত্তোলনের মঞ্জুরি জ্ঞাপন করা হয়।
- (১১) প্রধানমন্ত্রীর মুখ্যসচিব জনাব মোঃ নজিবুর রহমান ১৯৮২ সনের নিয়মিত ব্যাচে বাংলাদেশ সিভিল সার্ভিস (প্রশাসন) ক্যাডারে যোগদানপূর্বক প্রায় ৩৬ বৎসর সরকারের বিভিন্ন গুরুত্বপূর্ণ পদে অধিষ্ঠিত থেকে ৩১ ডিসেম্বর ২০১৯ তারিখে সরকারি চাকুরি হতে অবসর গ্রহণ করেছেন। জনাব মোঃ নজিবুর রহমান সুদীর্ঘ সময় প্রজাতন্ত্রের কর্মে নিযুক্ত থেকে পেশাদারিত্ব, দক্ষতা, বিচক্ষণতা ও সুনামের সঙ্গে দায়িত্ব পালনের মধ্য দিয়ে দেশ ও জাতির কল্যাণে কাজ করে গেছেন। দেশ ও জাতির সেবায় গুরুত্বপূর্ণ অবদান রাখার জন্য জনাব মোঃ নজিবুর রহমানকে ধন্যবাদ জানিয়ে এবং তাঁর সর্বাঙ্গীণ কল্যাণ ও দীর্ঘায়ু কামনা করে মন্ত্রিসভার ৩০ ডিসেম্বর ২০১৯ তারিখের বৈঠকে গৃহীত ধন্যবাদ প্রস্তাব ০৭ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।
- (১২) পররাষ্ট্র মন্ত্রণালয়ের সিনিয়র সচিব জনাব মোঃ শহীদুল হক বাংলাদেশ সিভিল সার্ভিস (পররাষ্ট্র) ক্যাডারের ১৯৮৪ ব্যাচের কর্মকর্তা হিসাবে যোগদানপূর্বক প্রায় ৩৪ বছর সরকারের বিভিন্ন গুরুত্বপূর্ণ পদে অধিষ্ঠিত থেকে ৩১ ডিসেম্বর ২০১৯ তারিখে সিভিল সার্ভিস হতে অবসর গ্রহণ করেছেন। প্রজাতন্ত্রের একজন নিষ্ঠাবান কর্মকর্তা হিসাবে দেশ ও জাতির কল্যাণে গুরুত্বপূর্ণ অবদান রাখার জন্য জনাব মোঃ শহীদুল হক-কে আন্তরিক ধন্যবাদ জানিয়ে এবং তাঁর সর্বাঙ্গীণ কল্যাণ ও দীর্ঘায়ু কামনা করে মন্ত্রিসভার ৩০ ডিসেম্বর ২০১৯ তারিখের বৈঠকে গৃহীত ধন্যবাদ প্রস্তাব ০৭ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।
- (১৩) মাধ্যমিক ও উচ্চ শিক্ষা বিভাগের সিনিয়র সচিব জনাব মোঃ সোহরাব হোসাইন বাংলাদেশ সিভিল সার্ভিস (প্রশাসন) ক্যাডারের ১৯৮৪ ব্যাচের কর্মকর্তা হিসাবে যোগদানপূর্বক প্রায় ৩৪ বছর সরকারের বিভিন্ন গুরুত্বপূর্ণ পদে অধিষ্ঠিত থেকে ৩১ ডিসেম্বর ২০১৯ তারিখে সরকারি চাকুরি হতে অবসর গ্রহণ করেছেন। প্রজাতন্ত্রের একজন নিষ্ঠাবান কর্মকর্তা হিসাবে দেশ ও জাতির কল্যাণে গুরুত্বপূর্ণ অবদান রাখার জন্য জনাব মোঃ সোহরাব হোসাইন-কে

ধন্যবাদ জানিয়ে এবং তাঁর সর্বাঙ্গীণ কল্যাণ ও দীর্ঘায়ু কামনা করে মন্ত্রিসভার ৩০ ডিসেম্বর ২০১৯ তারিখের বৈঠকে গৃহীত ধন্যবাদ প্রস্তাব ০৭ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।

(১৪) জনাব ফয়েজ আহম্মদ ১৯৮৭ সালে বাংলাদেশ সিভিল সার্ভিস (কৃষি) ক্যাডার এবং পরে ১৯৮৮ সালে বাংলাদেশ সিভিল সার্ভিস (প্রশাসন) ক্যাডারের কর্মকর্তা হিসাবে যোগদানপূর্বক দীর্ঘ ৩২ বছর সরকারের বিভিন্ন গুরুত্বপূর্ণ পদে অধিষ্ঠিত থেকে ৩১ ডিসেম্বর ২০১৯ তারিখে সরকারি চাকুরি হতে অবসর গ্রহণ করেছেন। জনাব ফয়েজ আহম্মদ সুদীর্ঘ সময় প্রজাতন্ত্রের কর্মে নিযুক্ত থেকে পেশাদারিত্ব, দক্ষতা ও বিচক্ষণতার সঙ্গে দায়িত্ব পালনের মাধ্যমে দেশ ও জাতির কল্যাণে কাজ করে গেছেন। প্রজাতন্ত্রের একজন নিষ্ঠাবান কর্মকর্তা হিসাবে দেশ ও জাতির কল্যাণে গুরুত্বপূর্ণ অবদান রাখার জন্য জনাব ফয়েজ আহম্মদ-কে ধন্যবাদ জানিয়ে এবং তাঁর সর্বাঙ্গীণ কল্যাণ ও দীর্ঘায়ু কামনা করে মন্ত্রিসভার ৩০ ডিসেম্বর ২০১৯ তারিখের বৈঠকে গৃহীত ধন্যবাদ প্রস্তাব ০৭ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।

(১৫) তথ্য মন্ত্রণালয়ের সচিব জনাব আবদুল মালেক বাংলাদেশ সিভিল সার্ভিস (প্রশাসন) ক্যাডারের ১৯৮৪ ব্যাচের কর্মকর্তা হিসাবে যোগদানপূর্বক সুদীর্ঘ ৩৪ বছর সরকারের বিভিন্ন গুরুত্বপূর্ণ পদে অধিষ্ঠিত থেকে ৩১ ডিসেম্বর ২০১৯ তারিখে সরকারি চাকুরি হতে অবসর গ্রহণ করেছেন। প্রজাতন্ত্রের একজন নিষ্ঠাবান কর্মকর্তা হিসাবে দেশ ও জাতির কল্যাণে গুরুত্বপূর্ণ অবদান রাখার জন্য জনাব আবদুল মালেককে আন্তরিক ধন্যবাদ জানিয়ে এবং তাঁর সর্বাঙ্গীণ কল্যাণ ও দীর্ঘায়ু কামনা করে মন্ত্রিসভার ৩০ ডিসেম্বর ২০১৯ তারিখের বৈঠকে গৃহীত ধন্যবাদ প্রস্তাব ০৭ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।

(১৬) মৎস্য ও প্রাণিসম্পদ মন্ত্রণালয়ের সিনিয়র সচিব জনাব মোঃ রইছউল আলম মন্ডল বাংলাদেশ সিভিল সার্ভিস (প্রশাসন) ক্যাডারের ১৯৮৪ ব্যাচের কর্মকর্তা হিসাবে যোগদানপূর্বক প্রায় ৩৪ বছর সরকারের বিভিন্ন গুরুত্বপূর্ণ পদে অধিষ্ঠিত থেকে ৩১ ডিসেম্বর ২০১৯ তারিখে সিভিল সার্ভিস হতে অবসর গ্রহণ করেছেন। প্রজাতন্ত্রের একজন নিষ্ঠাবান কর্মকর্তা হিসাবে দেশ ও জাতির কল্যাণে গুরুত্বপূর্ণ অবদান রাখার জন্য মোঃ রইছউল আলম মন্ডল-কে ধন্যবাদ জানিয়ে এবং তাঁর সর্বাঙ্গীণ কল্যাণ ও দীর্ঘায়ু কামনা করে মন্ত্রিসভার ৩০ ডিসেম্বর ২০১৯ তারিখের বৈঠকে গৃহীত ধন্যবাদ প্রস্তাব ০৭ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।

(১৭) প্রতিরক্ষা মন্ত্রণালয়ের সচিব জনাব আখতার হোসেন ভূইয়া বাংলাদেশ সিভিল সার্ভিস (প্রশাসন) ক্যাডারের ১৯৮৪ ব্যাচের কর্মকর্তা হিসাবে যোগদানপূর্বক সুদীর্ঘ ৩৪ বছর সরকারের বিভিন্ন গুরুত্বপূর্ণ পদে অধিষ্ঠিত থেকে ৩১ ডিসেম্বর ২০১৯ তারিখে সরকারি চাকুরি হতে অবসর গ্রহণ করেছেন। প্রজাতন্ত্রের একজন নিষ্ঠাবান কর্মকর্তা হিসাবে দেশ ও জাতির কল্যাণে গুরুত্বপূর্ণ অবদান রাখার জন্য জনাব আখতার হোসেন ভূইয়া-কে ধন্যবাদ জানিয়ে এবং তাঁর সর্বাঙ্গীণ কল্যাণ ও দীর্ঘায়ু কামনা করে মন্ত্রিসভার ৩০ ডিসেম্বর ২০১৯ তারিখের বৈঠকে গৃহীত ধন্যবাদ প্রস্তাব ০৭ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।

(১৮) গণপ্রজাতন্ত্রী বাংলাদেশ সরকারের মাননীয় প্রধানমন্ত্রী শেখ হাসিনা ১২ জানুয়ারি ২০২০ তারিখে সরকারি সফরে আবুধাবী, সংযুক্ত আরব আমিরাতের উদ্দেশ্যে ঢাকা ত্যাগ করেন। মাননীয় প্রধানমন্ত্রীর প্রস্থানকালে হযরত শাহজালাল আন্তর্জাতিক বিমানবন্দরে রাষ্ট্রাচারের দায়িত্ব পালন করা হয়। গত ০২ জানুয়ারি ২০২০ তারিখে যুক্তরাজ্যভিত্তিক প্রখ্যাত সংবাদ মাধ্যম ‘দ্য ফাইন্যান্সিয়াল টাইমস’ গুপের মাসিক ম্যাগাজিন ‘দ্য ব্যাংকার’ মাননীয় অর্থমন্ত্রী জনাব আহম মুস্তফা কামালকে ২০২০ সালের জন্য ‘ফাইন্যান্স মিনিস্টার অব দ্য ইয়ার ফর গ্লোবাল এন্ড এশিয়া-প্যাসিফিক এওয়ার্ড ২০২০’-এ ভূষিত করা হয়।

(১৯) ২০২০ সালের জন্য বাংলাদেশের অর্থমন্ত্রীর বিশ্বের শ্রেষ্ঠ অর্থমন্ত্রী হিসাবে পুরস্কৃত হওয়া বাঙালি জাতির জন্য এক বিরল সম্মাননা অর্জন। মর্যাদাপূর্ণ এই পুরস্কারে ভূষিত হওয়ার মধ্য দিয়ে বিশ্বে বাংলাদেশের ভাবমূর্তি উজ্জ্বলতর করায় মাননীয় অর্থমন্ত্রী জনাব আহম মুস্তফা কামালকে অভিনন্দন ও আন্তরিক শুভেচ্ছা জানিয়ে মন্ত্রিসভার ০৮ জানুয়ারি ২০২০ তারিখের বৈঠকে গৃহীত অভিনন্দন প্রস্তাব ২০ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।

(২০) অভ্যন্তরীণ সম্পদ বিভাগের সিনিয়র সচিব ও জাতীয় রাজস্ব বোর্ডের সাবেক চেয়ারম্যান জনাব মোশাররফ হোসেন ভূইয়া বাংলাদেশ সিভিল সার্ভিস (অডিট এ্যান্ড একাউন্টস) ক্যাডারের ১৯৮১ ব্যাচের কর্মকর্তা হিসাবে যোগদানপূর্বক প্রায় ৩৯ বছর সরকারের বিভিন্ন গুরুত্বপূর্ণ পদে অধিষ্ঠিত থেকে ০৩ জানুয়ারি ২০২০ তারিখে সরকারি চাকুরি হতে অবসর গ্রহণ করেন। প্রজাতন্ত্রের একজন নিষ্ঠাবান কর্মকর্তা হিসাবে দেশ ও জাতির কল্যাণে গুরুত্বপূর্ণ অবদান রাখার জন্য মন্ত্রিসভা জনাব মোশাররফ হোসেন ভূইয়াকে ধন্যবাদ জানিয়ে এবং তাঁর সর্বাঙ্গীণ কল্যাণ ও

দীর্ঘায়ু কামনা করে মন্ত্রিসভার ০৮ জানুয়ারি ২০২০ তারিখের বৈঠকে গৃহীত একটি ধন্যবাদ প্রস্তাব ২০ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।

(২১) প্রধানমন্ত্রীর কার্যালয়ের সিনিয়র সচিব জনাব সাজ্জাদুল হাসান বাংলাদেশ সিভিল সার্ভিস (প্রশাসন) ক্যাডারের ১৯৮৫ ব্যাচের কর্মকর্তা হিসাবে যোগদানপূর্বক প্রায় ৩২ বছর সরকারের বিভিন্ন গুরুত্বপূর্ণ পদে অধিষ্ঠিত থেকে ১০ জানুয়ারি ২০২০ তারিখে সিভিল সার্ভিস হতে অবসর গ্রহণ করেন। একজন প্রাজ্ঞ, বিচক্ষণ ও সৃজনশীল কর্মকর্তা হিসাবে দেশ ও জাতির কল্যাণে গুরুত্বপূর্ণ অবদান রাখার জন্য জনাব সাজ্জাদুল হাসান-কে ধন্যবাদ জানিয়ে এবং তাঁর সর্বাঙ্গীণ কল্যাণ ও দীর্ঘায়ু কামনা করে মন্ত্রিসভার ০৮ জানুয়ারি ২০২০ তারিখের বৈঠকে গৃহীত একটি ধন্যবাদ প্রস্তাব ২০ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।

(২২) ওমানের মহামান্য সুলতান কাবুস বিন সাঈদ আল সাঈদ গত ১০ জানুয়ারি ২০২০ তারিখে ইন্তেকাল করেন (ইমলালিল্লাহি ওয়া ইন্না ইলাইহি রাজিউন)। মৃত্যুকালে তাঁর বয়স হয়েছিল ৭৯ বছর। ওমানের মহামান্য সুলতান কাবুস বিন সাঈদ আল সাঈদ-এর মৃত্যুতে সমগ্র মুসলিম বিশ্বে এক অপূরণীয় শূন্যতার সৃষ্টি হল। বাংলাদেশের এ পরম হিতৈষীর মৃত্যুতে গভীর শোক ও দুঃখ প্রকাশ, তাঁর রুহের মাগফিরাত কামনা করে এবং শোকসন্তপ্ত রাজপরিবার ও ওমানের জনগণের প্রতি আন্তরিক সমবেদনা জানিয়ে মন্ত্রিসভার ২০ জানুয়ারি ২০২০ তারিখের বৈঠকে গৃহীত একটি শোকপ্রস্তাব ২৬ জানুয়ারি ২০২০ তারিখের প্রজ্ঞাপন মারফত বাংলাদেশ গেজেটে প্রকাশিত হয়।

(২৩) গণপ্রজাতন্ত্রী বাংলাদেশ সরকারের মাননীয় প্রধানমন্ত্রী শেখ হাসিনা ০৪ ফেব্রুয়ারি ২০২০ তারিখে সরকারি সফরে রোম, ইতালির উদ্দেশ্যে ঢাকা ত্যাগ করেন। মাননীয় প্রধানমন্ত্রীর প্রস্থানকালে হযরত শাহজালাল আন্তর্জাতিক বিমানবন্দরে রাষ্ট্রাচারের দায়িত্ব পালন করা হয়।

(২৪) বিভাগীয় কমিশনারের কার্যালয়, ঢাকায় অনুষ্ঠিত এক্সিকিউটিভ ম্যাজিস্ট্রেট ও অতিরিক্ত জেলা ম্যাজিস্ট্রেটগণ কর্তৃক ফৌজদারি কার্যবিধি ১০৭/১৪৪/১৪৫ ধারায় মামলা ও মোবাইল কোর্ট পরিচালনা সংক্রান্ত কর্মশালায় প্রণীত সুপারিশসমূহ বাস্তবায়ন সংক্রান্ত বিষয়ে প্রয়োজনীয় ব্যবস্থা গ্রহণের জন্য সকল জেলা প্রশাসক বরাবর পত্র প্রেরণ করা হয়।

(২৫) ২৫০ শয্যাবিশিষ্ট বঙ্গমাতা শেখ ফজিলাতুন্নেছা মুজিব জেনারেল হাসপাতালের প্রধান ফটকে সন্তান প্রসব বিষয়ে তদন্ত প্রতিবেদন সংক্রান্ত বিষয়ে তদন্ত কমিটির সুপারিশের আলোকে বিধি মোতাবেক প্রয়োজনীয় ব্যবস্থা গ্রহণের জন্য সচিব, স্বাস্থ্য সেবা বিভাগ ও সচিব, স্বাস্থ্য শিক্ষা ও পরিবার কল্যাণ বিভাগ বরাবর পত্র প্রেরণ করা হয়।

(২৬) ইট ভাটা বন্ধকরণ প্রসঙ্গে প্রয়োজনীয় ব্যবস্থা গ্রহণের জন্য সচিব, পরিবেশ, বন ও জলবায়ু পরিবর্তন মন্ত্রণালয় বরাবর পত্র প্রেরণ করা হয়।

(২৭) অবৈধ সেট-টপ-বক্সের মাধ্যমে DTH (ডাইরেক্ট টু হোম) সেবা বন্ধকরণ প্রসঙ্গে প্রয়োজনীয় ব্যবস্থা গ্রহণের জন্য সকল জেলা প্রশাসক বরাবর পত্র প্রেরণ করা হয়।

(২৮) নির্মাণাধীন কুষ্টিয়া মেডিকেল কলেজে আকস্মিক দুর্ঘটনার তদন্ত প্রতিবেদন অনুযায়ী দায়ী ব্যক্তিদের বিরুদ্ধে প্রয়োজনীয় ব্যবস্থা গ্রহণের জন্য সচিব, গৃহায়ন ও গণপূর্ত মন্ত্রণালয় বরাবর পত্র প্রেরণ করা হয়।

(২৯) কোর্ট ফি আইন, ১৮৭০ মোবাইল কোর্ট আইন, ২০০৯-এ তফসিলভুক্তকরণ সংক্রান্ত বিষয়ে প্রয়োজনীয় ব্যবস্থা গ্রহণের জন্য সিনিয়র সচিব, অভ্যন্তরীণ সম্পদ বিভাগ এবং সিনিয়র সচিব, জননিরাপত্তা বিভাগ বরাবর পত্র প্রেরণ করা হয়।

(৩০) ব্রাহ্মণবাড়িয়া জেলার কসবা উপজেলায় মন্দভাগ নামক স্থানে ট্রেন দুর্ঘটনা বিষয়ক ঘটনার তদন্ত কমিটির সুপারিশ বাস্তবায়ন সংক্রান্ত বিষয়ে প্রয়োজনীয় ব্যবস্থা গ্রহণের জন্য সিনিয়র সচিব, রেলপথ বিভাগ বরাবর পত্র প্রেরণ করা হয়।

(৩১) ‘ধর্ষণের সাক্ষীকে ডেকে সন্তাসীদের হাতে তুলে দিলো পুলিশ’- ঘটনা তদন্তকরণ বিষয়ে বিভাগীয় কমিশনার, রাজশাহী এর প্রতিনিধি; অতিরিক্ত ডিআইজি, রাজশাহী এবং অতিরিক্ত জেলা ম্যাজিস্ট্রেট, পাবনা এর সমন্বয়ে একটি তদন্ত কমিটি গঠনপূর্বক বর্ণিত বিষয়ে একটি তদন্ত প্রতিবেদন আগামী ১৫ দিনের মধ্যে মন্ত্রিপরিষদ বিভাগে প্রেরণের জন্য বিভাগীয় কমিশনার, রাজশাহী বরাবর পত্র প্রেরণ করা হয়।

(৩২) দুর্নীতি দমন কমিশন হতে প্রাপ্ত প্রতিবেদন অনুযায়ী জানুয়ারি ২০২০ মাসে সরকারি কর্মকর্তা/কর্মচারীদের মামলায় ২ জনের বিরুদ্ধে অভিযোগপত্র দাখিল এবং ১৪ জনের বিরুদ্ধে এফ.আর.টি দাখিল করা হয়। এ ছাড়া ৩৬ জনের বিষয়ে অনুসন্ধানে নথিভুক্তির মাধ্যমে নিষ্পত্তি করা হয়। উপরোল্লিখিত বিষয়ে অবগত করে যথাযথ ব্যবস্থা গ্রহণের জন্য সংশ্লিষ্ট মন্ত্রণালয়/বিভাগকে নির্দেশনা প্রদান করা হয়।

- (৩৩) বিভিন্ন আইনে ৩৬৮ জন কর্মকর্তাকে এক্সিকিউটিভ ম্যাজিস্ট্রেট-এর ক্ষমতা এবং মোবাইল কোর্ট পরিচালনার ক্ষমতা/ডেপুটি কমিশনারের ক্ষমতা অর্পণ করা হয়।
- (৩৪) ঢাকা উত্তর সিটি কর্পোরেশন এবং ঢাকা দক্ষিণ সিটি কর্পোরেশনের নির্বাচন অনুষ্ঠান অবাধ, সুষ্ঠু, শান্তিপূর্ণ ও নিরপেক্ষভাবে সম্পন্ন করার জন্য সংশ্লিষ্ট সকলকে পত্র প্রেরণ করা হয়।
- (৩৫) ভূমি ব্যবস্থাপনার বিদ্যমান সমস্যা ও করণীয় বিষয়ে জেলা ও উপজেলা থেকে সংগ্রহকৃত প্রস্তাব সচিব, ভূমি মন্ত্রণালয় বরাবর প্রেরণ করা হয়।
- (৩৬) উপপরিচালক, স্থানীয় সরকারকে সকল শ্রেণির পৌরসভার কার্যক্রম পরিদর্শন ও মনিটরিং-এর ক্ষমতা প্রদান করা হয়।
- (৩৭) জানুয়ারি ২০২০ মাসে মাঠ প্রশাসনে কর্মরত বিসিএস (প্রশাসন) ক্যাডারের ১৪ জন কর্মকর্তার বিরুদ্ধে অভিযোগ পাওয়া গেছে। পূর্বে প্রাপ্ত অভিযোগসমূহের মধ্যে ১৪টি অভিযোগের বিষয়ে অভিযুক্ত কর্মকর্তার বিরুদ্ধে আনীত অভিযোগ তদন্তে প্রমাণিত না হওয়ায় নথিজাত করে জনপ্রশাসন মন্ত্রণালয়কে জানিয়ে দেওয়া হয়।
- (৩৮) বিভিন্ন মন্ত্রণালয়/বিভাগ থেকে প্রাপ্ত জেলাপ্রশাসক সম্মেলন ২০১৯-এ গৃহীত স্বল্পমেয়াদি সিদ্ধান্ত বাস্তবায়ন অগ্রগতি প্রতিবেদন পর্যালোচনায় দেখা যায় ডিসেম্বর ২০২০ পর্যন্ত ২৯টি স্বল্পমেয়াদি সিদ্ধান্ত বাস্তবায়িত হয়।
- (৩৯) বিভাগীয় কমিশনার ও মেট্রোপলিটন পুলিশ কমিশনারগণের নিকট থেকে প্রাপ্ত ডিসেম্বর দ্বিতীয় ও জানুয়ারি প্রথম পক্ষের পাক্ষিক গোপনীয় প্রতিবেদনের ভিত্তিতে প্রস্তুতকৃত দুটি সারসংক্ষেপ মাননীয় প্রধানমন্ত্রী সমীপে উপস্থাপন করা হয়। পাক্ষিক গোপনীয় প্রতিবেদনে উপস্থাপিত এবং মাননীয় প্রধানমন্ত্রী কর্তৃক অনুমোদিত প্রস্তাব বাস্তবায়নের জন্য বিভিন্ন মন্ত্রণালয় ও বিভাগ বরাবর পত্র প্রেরণ করা হয়।
- (৪০) ১০ জানুয়ারি ২০২০ তারিখে জাতির পিতা বঙ্গবন্ধু শেখ মুজিবুর রহমানের ঐতিহাসিক স্বদেশ প্রত্যাবর্তন দিবস ও মুজিববর্ষের ক্ষণগণনা উদ্বোধন উপলক্ষ্যে বিভাগীয় কমিশনার ও জেলা প্রশাসকদের নির্দেশনা প্রদান সংক্রান্ত পত্র সকল বিভাগীয় কমিশনার ও জেলা প্রশাসক বরাবর প্রেরণ করা হয়।
- (৪১) জাতীয় ভিটামিন 'এ' প্লাস ক্যাম্পেইন সহযোগিতা প্রদান সংক্রান্ত পত্র সকল বিভাগীয় কমিশনার, জেলা প্রশাসক ও উপজেলা নির্বাহী অফিসার বরাবর প্রেরণ করা হয়।
- (৪২) 'দুনীতি বিরোধী জাতীয় বিতর্ক প্রতিযোগিতা, ২০২০' আয়োজনে সকল বিভাগীয় কমিশনার, জেলা প্রশাসক ও উপজেলা নির্বাহী অফিসার বরাবর পত্র প্রেরণ করা হয়।
- (৪৩) উপজেলা পরিষদের মাসিক সমন্বয় সভায় 'তথ্য আপা (২য় পর্যায়)' প্রকল্পের তথ্যসেবা কর্মকর্তাগণের অংশগ্রহণের বিষয়ে যথাযথ ব্যবস্থা গ্রহণের জন্য সকল জেলা প্রশাসক বরাবর পত্র প্রেরণ করা হয়।
- (৪৪) শহিদ দিবস ও আন্তর্জাতিক মাতৃভাষা দিবস ২০২০ উদ্‌যাপনে যথাযথ কার্যক্রম গ্রহণের জন্য সকল বিভাগীয় কমিশনার, জেলা প্রশাসক ও উপজেলা নির্বাহী অফিসার বরাবর পত্র প্রেরণ করা হয়।
- (৪৫) কক্সবাজার শহর/পৌর এলাকাকে ব্যয়বহুল ঘোষণার বিষয়ে সংশ্লিষ্টদের বরাবর পত্র প্রেরণ করা হয়।
- (৪৬) সকল মন্ত্রণালয়/বিভাগে GRS সংক্রান্ত প্রয়োজনীয় নির্দেশনা প্রদান করা হয়।
- (৪৭) ১৬ জানুয়ারি ২০২০ তারিখ ৫২টি মন্ত্রণালয়/বিভাগের তথ্য অধিকার বিষয়ক দায়িত্বপ্রাপ্ত কর্মকর্তাদের নিয়ে তথ্য অধিকার বিষয়ক কর্মশালা অনুষ্ঠিত হয়।
- (৪৮) ৩০ জানুয়ারি ২০২০ তারিখে ভূমি রেজিস্ট্রেশন ও নামজারির মধ্যে সমন্বয় সাধনের লক্ষ্যে মন্ত্রিপরিষদ সচিব মহোদয়ের সভাপতিত্বে একটি সভা অনুষ্ঠিত হয়।
- (৪৯) সকল মন্ত্রণালয়/বিভাগের সিনিয়র সচিব/সচিবগণকে বার্ষিক উদ্ভাবন কর্মপরিকল্পনা ২০১৯-২০২০-এর বাস্তবায়ন অগ্রগতির অর্ধ-বার্ষিক স্ব-মূল্যায়ন প্রতিবেদন প্রেরণের জন্য পত্র দেওয়া হয়।
- (৫০) ৮টি বিভাগীয় কমিশনারের কার্যালয় এবং ৭টি জেলা প্রশাসকের কার্যালয়ের বার্ষিক কর্মসম্পাদন চুক্তি এপিএএমএস সফটওয়্যারের মাধ্যমে সম্পাদনের লক্ষ্যে প্রশিক্ষণ কর্মশালা আয়োজন করা হয়।
- (৫১) বার্ষিক কর্মসম্পাদন চুক্তি (এপিএ)-এর লোগো নির্ধারণ করা হয়।
- (৫২) ২০২০-২১ অর্থবছরের এপিএ'র আবশ্যিক কৌশলগত উদ্দেশ্য নির্ধারণ সংক্রান্ত সভা আয়োজন করা হয়।
- (৫৩) ৭, ২১ ও ২৮ জানুয়ারি ২০২০ তারিখে অনুষ্ঠিত জাতীয় অর্থনৈতিক পরিষদের নির্বাহী কমিটির (একনেক) সভার কার্যপত্রের ওপর মন্ত্রিপরিষদ বিভাগের সংক্ষিপ্ত নোট প্রস্তুত করা হয়।

(৫৪) ২০১৮-১৯ অর্থবছরের সংশোধিত বার্ষিক উন্নয়ন কর্মসূচি (আরএডিপি)-তে এ বিভাগের প্রকল্পসমূহ অন্তর্ভুক্তির জন্য তথ্য সদস্য, আর্থ-সামাজিক অবকাঠামো বিভাগ বরাবর পত্র প্রেরণ করা হয়।

(৫৫) বাল্যবিবাহ প্রতিরোধের নিমিত্ত জাতীয় কমিটি; জেলা সদরে কোর ভবন এলাকায় নির্মাণ সংক্রান্ত জাতীয় পরিবীক্ষণ কমিটি এবং জেলা সদরে কোর ভবনাদি নির্মাণ সংক্রান্ত কমিটি গঠন করা হয়।

গ. আগামী (ফেব্রুয়ারি-মার্চ) দুই মাসে সম্পাদ্য অতীব গুরুত্বপূর্ণ কাজের তালিকা:

- (১) মন্ত্রিসভা-বৈঠক অনুষ্ঠান।
- (২) মন্ত্রণালয় ও বিভাগসমূহের কার্যাবলি সংক্রান্ত বার্ষিক প্রতিবেদন চূড়ান্তকরণ, মুদ্রণ ও বিতরণ কার্যক্রম।
- (৩) সরকারি ক্রয় সংক্রান্ত মন্ত্রিসভা কমিটির সভা অনুষ্ঠান।
- (৪) অর্থনৈতিক বিষয় সংক্রান্ত মন্ত্রিসভা কমিটির সভা অনুষ্ঠান।
- (৫) জাতীয় পুরস্কার সংক্রান্ত মন্ত্রিসভা কমিটির সভা অনুষ্ঠান।
- (৬) আন্তর্জাতিক ও আঞ্চলিক সংস্থায় বাংলাদেশ কর্তৃক চাঁদা প্রদান সংক্রান্ত সচিব কমিটির সভা অনুষ্ঠান।
- (৭) মন্ত্রিসভা কমিটি/পরিষদ/কমিশন/অন্যান্য কমিটি গঠন/পুনর্গঠন।
- (৮) সিআরভিএস সচিবালয়ের অর্গানোগ্রাম ও জনবল পদায়ন সংক্রান্ত কার্যক্রম।
- (৯) Open CRVS সংক্রান্ত টেকনিক্যাল কমিটির সভা আয়োজন।
- (১০) জেলা সদরে কোর ভবনাদি নির্মাণ সংক্রান্ত টাঙ্কফোর্স কমিটির ১৯৩তম সভা, মন্ত্রিপরিষদ সচিব মহোদয়ের সভাপতিত্বে অনুষ্ঠেয় নতুন উপজেলা ও থানা স্থাপন সংক্রান্ত সচিব কমিটির সভা অনুষ্ঠান।
- (১১) প্রশাসনিক পুনর্বিন্যাস সংক্রান্ত জাতীয় বাস্তবায়ন কমিটি (নিকার)-এর ১১৭তম সভা অনুষ্ঠান।
- (১২) প্রশাসনিক উন্নয়ন সংক্রান্ত সচিব কমিটির সভা অনুষ্ঠান।
- (১৩) স্বাধীনতা পুরস্কার সচিব-সভা অনুষ্ঠান।

(মুহাম্মদ আসাদুল হক)

উপসচিব

ফোন: ৯৫৫৭৪৪৯

e-mail: report_sec@cabinet.gov.bd